

علوم اقتصادیہ و اجتماعیہ

مجموعہ علمکار

ہر ایک پرچہ کوئی شراوانور

مؤسسی

اعلیٰ شریف و شراوانور، شراوانور

مشرقیات

نجات شرک و کفر : م - احمد شریف : آصف خان -
مباحث اخلاقیہ : جامع نوری - تحولات و کفر : جمیع
نوری - ۱۳۲۷ سنہ منی اسلمہ منیہ لاجہ منی : محمد یار

مدیر و صاحب امتیازی :

محمد یار

لکھنؤ : ۱۰ شہر

استاذ

امور ادارہ و تحریر : طین مطہری

۱۳۲۶

اھم سبب

فلسفہ تاریخ حادثات تاریخیہ نك عقلاً ایضاح نہ تشبہن باشقہ برشی دكلدر. او حادثاتہ حاكم اولان قوانینی كشف وماضیدہ کی حادثاتی دہ تدقیق ایله حالی تنویر، استقباله ایثار ضیا ایدر.

انسانلر تكامل دماغیہ لرینك درجات ابتدائیہ سنده كندیلرندن اول وقوعه كنن حادثاتہ اطلاع حاصل ایتك ایستہ دكلری حالده برمدت صوكر ا بو حادثاتك اسبابی تھری یه تشبث ایدرلر كه یو دماغك صفحات اولیہ دن مرور ایدوب ترقیسنه دلالت ایدر. حادثاتہ ساده جه وقوف اونلری تطمین ایتدیكندن بونكله ده قناعت ایتیه رك سلسله اسبابی بیلمك، برجامتلك شكل عمومیسنی آكلادقدن صوكر بوتون فعالیت بشریہ یی ادراك ایتك ایسترل. ایسته بو صورتله فلسفہ تاریخ حاصل اولور.

فلسفہ تاریخ دائماً تاریخك بر قانونه تابع اولدیغنی حتی تصادفاتك بیله باشلی باشنه بر قانون تشکیل ایتدیكنی كوسترر. فی الحقیقه انسانلر دائماً بر مقصده دوغرو حركت ایتشلر و حركات بشریہ ده سرخوشلق و جنت كبی احوال استثنا ایدیلر سه هیچ بر فرد مقصدسز ویلمیه رك بر حركت یایمه مشدر. بو خصوصده بر فرد ایله كتله اجتماعیه آره سنده هیچ بر فرد یوقدر. نه سلطنتلر تأسیس ایدرك اردولریله مملكتلر ضبط ایدن، یاقان ییقان فاتحلر، نه فكر بشریہ یی بر قوه طبعیه اهدا ایدرك مدنیتی بر اساس جدیدہ استناد ایتدیرن مختلعلر، حتی حجره مضیقنده چالیشهرق احتیاجات

حیاتیه سنی تدارکه اوغراشان بر عمله بیله دائماً بر آرزونك زبونى اولمقدن
کندینی قورتارمه مشدر. اگر استحالات کائنات ابدی بر عصیتک تولید
ایتدیکی بر هرچ و مرج ایسه اونده بر معنا اوله میه جغندن موجودیت
بشریه دهده هیچ بر مقصد اوله مه مق لازمکلیر. فقط اولیه دکل. پک
بسیط بر قرینه منطقیه ایله آ کلا یورز که انسانیتک حیات تاریخیه سی اسباب
تحتنده در.

احمد شعیب دهه وقایع و حادثاتی حکایه ایله اکتفا ایتیمه رک تاریخی
فلسفه ایله مزج ایدر، مسائل اجتماعی یا خود وقایع تاریخیه نک اسبابی
تدقیق ایدرک هیچ بر زمان صا رصیلمه ی ن ثبات و متاتی ایله دائماً چالیشیردی.
احمد شعیب استانبولده تولد ایتمشدر. در سعادت اعداد یسندن تحصیل
اعدادی نی ا کمال ایتدکن صو کرا مکتب حقوقدن نشأت ایتش و مکتبک
۱۰ کالنی متعاقب سلطان سلیمده کی خانه سنده تبعات علمیه سنه باشلامش
ایدی. احمد شعیب آیده یکانه وارداتی اولان بش لیر اقدر جزئی بر مبلغه
امرار حیات ایدرک اونکده بر قسمی کتابله و غزله ره صرف ایدردی.
بالاخره ثروت فونده بر قاچ مقاله یی متعاقب انکلتزه اصول جزائیه سنه
دائر نشر ایتدیکی بر مقاله معلمی حق بکک نظر دقت و تقدیری جلب
ایتدیکندن شعبی مکتب حقوقده کندی معاونلکنه تعیین ایتدیرمش
ایدی. شعیب اورادنده آلدینی جزئی بر پاره یی اصل وارداتنه علاوه
ایدرک اولدقچه ضیق بردائرة معیشتده یشاردی.

درسلی اولدینی کونلر سلطان سلیمده کی اوندن چیه ره بر ساعت
یوریدکن صو کرا مکتب حقوقه کلیر و کرسی تدریسده بلاغت سحاریله
طلبه یی مقنون ایدردی. احتیاجات ضروریه سندن کسیدیکی پاره ایله
کتابلری، غزله لری آلیر، حیات ازوای پک چوق سور و تبعات علمیه دن
باشقه کندیس ایچون هیچ برشی واسطه ذوق و حظوظ اولز ایدی.

کونلرجه خانه سندن چیقیمیرق یورولوق بیلمز برعزم متین ایله نوظلر آلیر وبو مضبوطاتی اینجی کبی یازسیله دفترینه کمال اهتمام ایله قید ایدردی. منزوی برحیات یاشادیغی حالده زماننک حرکات ادبیه و علمیه سندن دائماً خبردار اولوردی. اوهمان فرانسه ده منتشر بوتون مجوعات موقوته به وغزته لره آتونه ایدی. ره وو دوده موند، ره وواستوریک، لاره وو، ره وو پولیتیک، پارلمانته رکبی الک مشهور مجموعاتی؛ تان، فیغارو، اورور، اومانیه لوژورنال، غوللوا کبی جرأده مندرج فرانسه مشاهیرینک مقالاتی کمال دقتله مطالعه ایدردی. قاه مانسونک پرپرستکاری، ژورنسلک حیران بلاغتی، پیه روده نك مفتون جدیتی، وها بوتونک تقدیرکاری ایدی. بالخاصه بو صوکنجیدن «کندی تعیری اوزره هانوتو افندیدن» پرپرستکارانه بحث ایدردی.

بوندن باشقه قوریه اوروپه ن و مشورت کبی اختلاجلی غزته لردن بک خوشلانیردی.

شعیب کندیسنه تهنی استاد عد ایدر واونک ایچون قلبنده دائمی بر رعشه احترام محافظه ایدردی. نه زمان تهن علیهنده بریسی بر فکر درمیان ایتسه کمال حرارتله اونی مدافعه ایدر، و تهنی تنقید و مؤاخذه ایدن اولارک اونی آکلایه مش اولدیغی ادعا ایدردی. ایپولیت تهنک اثرلرنده زائد عد ایدیلن الفاظ و کلماتی بی سود عد ایتمز بالعکس اوکلماتی افکارینک. افاده سی ایچون الزم عد ایدردی. او هر شیئه متحمل ایدی. حتی کندیسنه قارشى ایدیلن ضمنی وعلنی تعریضاته بیله. فقط تهنه ایدیلن تعریضاته اصلاً تحمل ایتمزدی. اونک عندنده تهن عالم علم و فضیلتک معبودی ایدی. اوده تهن کبی آثار تاریخیه سنی دائماً فلسفه و ادبیات ایله مزج ایدردی. شعیب تهن کبی برمنقد بالخاصه تهن کبی بر مورخ اولوق ایسته مش ایدی. الک بیوک املى نوط حالنده بولنان تاریخ عمومیسنی تنظیم ایله نشر ایتک اولدیغی حالده سنه لردن بری دوام ایدن

تدقیقات و تتبعاتی غیر کافی عد ایدرک دائماً چالیشیر وینه زماننک مساعده سز لکنندن شکایت ایدردی .

قانون اساسینک اعلانی اوزرینه کندینی صحنه سیاسیاته ترک ایتمکن ایسه یازیلریله مشغول اولمخی ترجیح ایتیش ایدی . اوفانی شهرتلك جاذبه سنه قاپیلمق غفلتنده بولنیهرق لایموت اثر وجوده کتیرمک، مملکتک محیط عرفانه خدمت ایتک ایستردی . کندیسنه مبعوثلغه نامزدلکنی وضع ایتسی سویلندیکی وقت اونی هیچ بر زمان شرف اولمق اوزره تلقی ایتدیکنی سویلهرک معلمکی کافی عد ایدر . ویدردی که « بر مبعوث بر مؤلفدن حتی بر معلمدن بیله ده شرفلی دکلدرد . » اودائما خفی برالک زبونى ایدی . دوستلریله برلکده بولندیفی وقت نشئهلی کورینور . فقط یالکز قالدجه نظر نرینی بر نقطهیه توجیه ایدرک بر عمان آلام ایچنده مضطرب اولوردی . طبیعتی حدید ایدی . افکاری پک شدتلی مدافعه ایدر و بر اساس علمییه مستند اعتراضاتی سکوت ایله تلقی ایدر فقط روحسز سوزلرک قائلنه فوق العاده حدت ایدردی . اوقدر عصبی ایدی که اعلان مشروطیتی متعاقب بر محله ایراد ایتدیکی بر نطقک جمله سنه حاضر وندن برینک اعتراضی ایله سوزینک کیسیلمه سنه قارشى بر بحران اعصاب ایچنده چهره سی بم بیاض اولمش ومفلوج بر حالده قالمش ایدی . عالم مطبوعاتک دیدی قودیلری و صحنه سیاسیاتک مناقشات بی سودینه قارشى بر تماشا کروضعتی آلیردی . احمد شعیب ایلك مقاله سنی حیات و کتابار عنوانی آلتنده ثروت فنونک ۴۴۸ نومرولی نسخه سنده نشر ایتیش وشو حالده ۱۳۱۵ سنه سنده حیات تحریره داخل اولمشدر . بو مقاله ایله مورخ غابریل مونونک حیات و آثاری حقنده کی تدقیقاتیه نشر یاته باشلامش اولیور . بالاخره ایپو . لیت تن ، مومسن ، نیور ، ارنست لاولیس ، کوستا و فلوپر ، رانکه ، مومسن کی فرانسه و آلمان مشاهیری حقنده کی تدقیقات و تنقیداتی « حیات و کتابار » عنوانیه بر جلدده جمع ایتدی .

احمد شعیب دور حمیدینک ظلم و کین ایله اک زیاده آلوده اولان بر دورنده مهالك محتمله یی قطعاً نظر دفته آلمسزین نشریاتنده کمال وقوف و اهتمام ایله دوام ایدری . ثروت فنونده کی نشریاتی حیات و کتابلر ، آثار مطبوعات و علوم سیاسی و اجتماعی اولمق اوزره اوچه تقسیم ایتمش ایدی . « آثار مطبوعاته » غربک صوک حرکات ادبیه و اجتماعیه سندن قارئلرینی کندینه خاص اسلوب نرینه ور قیقيله خبردار ایدردی . بو آثار مطبوعاته پول آدان ، ژوفروا ، امیل فا که کبی غربک نجوم فکریه سندن کمال تقدیر ایله بحث ایدر . شعیب بر مقاله سنده تشبثات صنعتکارانه سی اعتباریله عوامک استفاده سنه خادم وجوده کتیره ن « پوشر » دن بحث ایدرکن « یا بزم خلق ، دیور ، زوالیلرک دماغلری قان قلعه لری ، حمزه نامه لر ، قیزیل سحر باز لرله مشوعدر . ایچنده کندنی حیاتلرینی مشاهده ایده جک ، براخوت ملیه وجوده کتیره جک ، برحس صنعت ور قته متحس اولماریته یاردیم ایله جک آثار ادبیه مز همان هیچ یوق ، یازیق دلمکی ؟ حیات اجتماعیه مزی مصور حکایه لر تحریری طریقتی کشاد ایده جک ذات تاریخ ادبیات عثمانیه مزه حروف زرین ایله نامنی حک ایتدیره جکدر . « او دائماً بزده کی رومانلرک » سنی سه ویورم « سنک ایچون اولیورم . « دن عبارت اولدیغنی سویلیه رک حیات ادبیه مزک سونوکلیکندن تأثر و تلطفله بحث ایدردی . بر قاچ سنه اولنه کلنجیه قدر تبعاتیله منتظماً مشغول اوله بیلیمک ایچون حتی مأمور اولمنی بیله رد ایتمش ایدی .

فقط دور حمیدینک دماغلری تخریب ایدن ، هر دور لو تشبثات فکریه یی عقیم براقان مظالمی اونکده شاخسار امیدینی کسر ایتمش ونه سائت ایستمدیکی حیات مأموریه داخل اولمش ایدی .

فقط نه اولورسه اولسون معلمکنی براقعه هیچ بر زمان راضی دکل ایدی . غربک حیات فکریه سیله اونک قدر کنج مشغول اولان همان

پك آز كیمسه واردر ، دنیله بیلیر . هنوز براعدادی طلبه سی ایكن سارا برناری كورمك ایچون سلطان سلیمده کی خانه سندن النده برنار اولدینی حالده بك اوغلنه كیدرك غربك بونیم صنعتی كورور و کیجه آلاتورقه ساعت سكرده یالکزباشنه اون قیانتك قارا كلق کوپرینی وقرون وسطی لایرنتلرینه بکزه یین دار سواقلردن کچهرک اوینه عودت ایدردی . آنا تماشایه ایچنده انزه زیاده بکندیکی اثرلر حیات اجتماعی اوزرنده حائر تاثیر اولانلرایدی . بزده قارا کلک سیای ادیمزی تنویر ایدره جك برپورتوریش ، برریونك طلوعنی تمی ایدردی .

نسل جدید شعیک سایه سنده - تن ، رهنان ، سورمل ، غابریله مونو ، آنا طول فرانس کی مشاهیر مورخین و ادبایی طانیدی . فه قوندیته مؤلفی اونك قدر هیچ کیمسه دهایی بر صورتده تصویر و تشریح ایتدی . اونك اثرلرینی سطر سطر بیایردی . زولا اونك حیات فکریه سنده اوقدر حائر تاثیر ایدی که حتی مکتب حقوقده کی تدریساتنده استعمال ایتدیکی لسانك زولا لسانیه مشابهتی اولدینی ادا اولنه بیلیر .

قاردینال دوریشلیو مؤلف مشهوری هانوتویه دائر تدقیقاتنده شوسوزلرله باشلیور : « بر مورخك ترسیم سیای ماهیتنده اونك محیطی ، موثرات عمومی و خصوصیه نك طرز جریان حیات اوزرینه اولان تاثیراتی کوسترمك الکسالم بر طریقدر . » هانوتو کی شعیبده بر اثر تحریرندن اول لازمکلن وثائق جمع ایدر ، آیلرجه اجرای تدقیقات ایدرك دماغی تخریب ایدن تلاطم مساعی ایچنده صحتی هیچ دوشونمیهرك چالیشیر . نهایت اثرینی اکمال ایدردی .

احمد شعیب اجدادنندن بر میراث اصلته توارث ایتموردی . فقط هیچ کیمسه اونك قدر اصالت فکریه و روحیه مالک اولمدی . هر شیئی تزییف ایتك اعتیادنده اولان بعض خودبینلر اونی عادی

بر مقبس ، بر ازرجی تلقی ایتشلردی . فقط نہایت اونک تاج علم و فضیلتی اوکنده ہپسی بیعت ایتدیلر .

احمد شعیب ثروت فنونده کی مقالات منتشره سندن برنده فرانسیسک سارسہیک غاستونده شانہ بر نصیحتی یازیوردی . سارسہی تانک منقد ادیبسی غاستونده شانہ دیورکہ « شہرت آرقہ سندن دولاشمیکز . اطرافکنزده دشمناریکنزک حصولہ کتیردکاری سکوت عمیقہ اہمیت ویرمہ یکنز . ودائما چالیشکنز . شہرت ارکچ لایق اولانہ کلیر . ویرکہ کلدکن صوکرآ آرتق پایدار وابدیدر . » شعیبده سارسہیک نصیحتہ تمامیلہ رعایت ایتش ایدی . اوتوزبش یاشندہ وفات ایدرک کیت اعتباریلہ او قدر چوق اثری اولیان شعیب بو مملکتک محیط عرفانہ صاحبینی تحنم معرفتک محصولی استقبالہ دہا ائی تقدیر ایدیلہ جکدر . بوتون کنجیلر اولک نشریات علمیہ سی سایہ سندن ذوق تاریخی نی حس ایتدیلر . شعیب اونلر ایچون شامراہ تبعہ بر رہبر حقیقی اولدی . آلمان مورخلرندن زیبہلک حیات علمیہ سی حقندہ کی نشریاتندن صوکرآ انکلیز مشاہیرندن لوردماقولہیک حیات و آتارنہ دائر تدقیقاتی نشرایتدی . و ثروت فنونده کی صوکرآ نشریاتی دہ بو اولدی . چونکہ ثروت فنونہ سانسور دہا زیادہ تضییقات اجرا ایدیور ، و بو سبیلہ محررلری برر برر چکیلماکہ مجبور اولیورلردی . نہایت اعلان مشروطیتی متعاقب اونک رہ نان حقندہ آشیان مجموعہ سندن برآزینی کوزیوروز . وخلق اوزرندن ایلک ولولہ جنت زائل اولدقدن صوکرآ محمد جاوید ورضا توفیق بکلرلہ علوم اقتصادیہ واجتماعیہ مجموعہ سنی تأسیس ایدرک حیات تحریرہ سنے تکرار شروع ایدیور . آرتق دہ میرنچہلر قییش ، اودہ منقد کموہ سنی آتارق پرستیدہ روحی اولان تاریخنہ قاووشمش ایدی .

شعیب بوندن صوکرآ بر سوسیولوج و بر مورخ اولیوردی . حقوق دارالفنونندہ کی تدریساتندن باشقہ ادبیات دارالفنونندہ تاریخ سیاسی نی

فلسفه و ادبیات ایله مزج ایدرك تدریس ایدیوردی . فقط آذرب مدت
صوکر ا بودرسنی ترك ایتسه ایدی . .

علوم اقتصادیه واجتماعیه مجموعه سنده « یکرمنچی عصرده تاریخ »
مقاله سی و فرانسه تاریخ اختلالی ایله بدأ ایدیور . وصیره سیله عوامل
اجتماعیه عنوانیله تدقیقات اجتماعیه سنده دوام ایدیور . بوکا اولاه عرق
نظریه سیله باشلایه رق و افکار خصوصیه سی ژان فینونک « خرافات عروق »
عنوانلی اثرنده کی افکار ایله مزج ایدرك حقیقده عرق اسود ، ابیض
واصفر کی عروق اولیه رق انسانلرك احوال اقلیمیه تأثیری آلتده
برطانی عرقلره انقسام ایتدیکنه قناعت حاصل ایدیور . عوامل اجتماعیه دن
بحث ایدركن ملت عثمانیه به نقل کلام ایدرك عثمانلرك قوه نشبیه دن
محر و میتله مستحصللرك یرینه مستهلک لرك قائم اوله رق بوهزیمت اقتصادیه نك
نتایج و خیمه سی اراه ایدیور . « بویله بردوره بحر ان ایچنده لوٹ حسد ،
لوٹ زیا ، لوٹ تنفع دن باشقه برشی یوق ! غزته نتونلری چرك شخصیات
ایله آلوده . اوزهرناك سوزلرك قسم اعظمی بر تنقید جدی به متحمل دكل .
افق استقبالك امارات مبهمه ایله قاراردیغی بر صیراده نه در بوچرك غیظ
وحسد ، بغض و خصومت ، خیانت و عداوت ؟ ! بو هوای مسمم ایچنده
یکانه نفحه امید و تسلیت انسال آتیه به ویره جکمز تربیه علمیه و عملیه دن
اسه جك . اداره رشیمیه مشروطیتمز افرادك غیرت و فضیلت مترا کمه سی
ایله تأسس ایلیه جك در . »

هیبهات ! زواللی شعیك آوازاه حمیتی ینه کندیسندن باشقه کیسه
ایشیتمك ، دیکله مك ایستمدی . بو برکان مناقشات ایچنده اونك نصیحتیه
هیچ کیسه عامل اولدی . حتی اوکندی شخصی ایچون یابیلان ولوله
غیظ و کین ولوله حسد و عداوتی ایشیتمك بدبختلغیه بیله دوچار اولدی .
مع مافیه او بوخسته لگ قابل تداوی اولدیغنه قانع اوله رق کیتدکجه تکائف
ایدن دودقوری پارچه لوق ، اونی افق معصوم وطندن ابدیاسیلمك ایسته دی .

نهایت تأثیرات محیطیہ میں تدقیق ایتدکن صو کرا عصر سابقک ویکرمیجی عصر مدنیتک اکبویوک عامل ومؤثر حقیقیسی «عصرک حاکمہ وجدان وتفکری» پارہ اولدیغی سویلیهرک ازدواجات ، غشیات ، جنایات کبی حادثاتک اساسی اقتصادی اولدیغنه قانع اولیور . بومطالعائنده دوام ایله دییورکه «پارمک بودرجه اتساع ونفوذینه بر سببده ده موقراسیدر» فیالحقیقه اقوام آریستوقراسی میں مغلوب ایدرک هرشیئیده حاکمیتنه آلدقن صنوف اصلیهک خزائن ثروتی غضب ومصادره ایتدکن صو کرا کشفیات جدیدہ فیه میں ده بو حادثات سیاسیہ واجتماعیہ علاوہ ایدرسهک رقابت بشریه دهانه قدر دوام ایدهک؟ بی شبهه بوکون حکمدار ذهب بوتون قلباره حاکمدر . اونک عتبہ اصفری اوکنده آریستوقرات ، ده موقرات عالم ، جاهل ، بیوک کوچوک هرکس اکیلیور .

شعیب جریحه اجتماعیهک بوتون صنوفه یاییلیدیغی سویلیور ، فقط بوتفسخ اجتماعیه صنف متوسطک دخلی اولامیه جغتی ادعا ایدیور . مع مافیه زنکینلری احما ایدرک سعادت بشریه میں ده تأسیس ایتک قابل اولامیه جغنه قاندر . بز اونی سوسیالیزم افکارینه قارش پک شدتلی بولیورز . اون سنه اولدماغی سوسیالیزم نظریاتیه مشبوع اولان شعیب افکارنده برقاج سنه ایچنده برتبدل کوریورز . حقوق دارالفنوننده کی تدریساتنده حق پاشانک سوسیالیزم حقنده کی تقیداتنه اشتراک ایتز ، مع مافیه دور حمیدینک تضیقائی سبیله سوسیالیزم لهنده بیان افکارندن ده احتراز ایدردی . احمد شعیب سوسیالیزمک مسهوف خلیاسی اولمقن کندی قورتاره رق مفکره سنک قوتلی پروژہ کتورلری روح جمعیه توجیه ایتمش واونک عمق حقیقیسنی کورمک ایستور .

شمدی یه قدر تعالیٰ بشر دائماً بر جمعیت اصلیهک اثری اولمش وشبهه سز بوندن صوکراده مراتب عالیهک محصولی اوله جقدر . طبیعت وحشیه لری محافظه ایدن وبر آرزوی تحکم ایله مضطرب اولان انسانلر ده

ضعیف ، احتمال تجارت و صنایع یا خود زراعتله مشغول اولمقدن باشقه
 برشیئ دوشونمەین ، یا خود کهنه لشمش ، عصیتی زائل اولمش عروقه
 هجوم ایدرک او قوای ضعیفه یی صوک بر اشتعال انفساح ایچنده ابدیاً
 سوندرمک صورتیله بیوک مدیتلر تأسس ایتدیکی کبی هر دورلو خساراته
 ارواح سفیله شهه سز ارواح نجییه دن زیاده متحمل اولمشدر . واحتمال ضیاع
 وانهزام انسانلری نامتاهی زمانلردن بری مضطرب ایتمشدر . برکرتکله نك
 قویان پارمخی یکیدن سوره بیلیر . فقط بر انسانك اصلا . فعالیت بشریه دائماً
 ایکی محرکه ، وحس عقله تابعدر که ایکیمی بر برندن هیچ بر زمان افتراق
 ایتمز . فقط بعضاً بری بعضاً دیگرى حرکت بشریه به حاکم اولور . اقوامك
 یا خود اشخاصك حیاتنده اویله دورلر واردر که اونلر عقلك حکمی آلتنده
 بولندقلری وقت دائماً جامد قالمشلر و حیاتك زبونی اولدقلری زمانده
 طوفان احتراصات ایچنده بوغولمشلردر . فرانسه اختلالی عقلك حاکمیتیه
 حصوله کلش و اختلال اجتماعی ده عین مؤثرک نفوذی آلتنده تولد ایتمشدر .
 بوندن یکریمی بش سنه اول و یقنور هوغو عقلك فتوحاتنه دائر نشاند انشاد
 ایدیور وره نان ، تن کبی متفکرین فلسفه و تاریخی فنك تحت اطاعتنه
 تسلیم ایدیور .

پاستور وقلود بر نازله کتاب طبیعتك صحائفی تنور ایدیور و حیاتك
 اقسام خفیه سی کشفیات فیه ایله تظاهر ایدرک آقسام باقیه خفیه سنك ده
 آکلاشیللمسنه امید بخش اولیوردی . صوکرک سیاسیاتنه ظامه تنا علمی
 اولدیغنه اعتقاد ایتدیکی وسائطیه فرانسه یی احیایه چالیشیوردی .

شمدی ایسه شباب محزون . وشاعرلر آرتق بر آئی سعادت ترنم
 ایتیمورلر . کریمه فن بوکون حرکت تجاوزه سندن فراغت ایدرک ظلم اجتماعی به
 قارشى بروضعیت تدافیه اخذ ایدیور .

احمد شعیب اویله بر زمانده حیات تحریره داخل اولمش ایدی که
 اودورده حماقت شکوه وظفرله تنوج و مقدرات ملت سیاه قان بولوطلری

ایچندہ غور انقراض و تباہی یہ سقوط ایدرکن بوتون اونک کی کنج و حیتی مفکرہ لر مردار الارده کیرلہ نن تمیز کوموش مدالیہ لر کی حسیض حقارتدہ سورونیوردی .

حادثات عظیمہ کی افکار محشمہ و معظمہ دہ پک چوق زمان صوکرا آ کلاشیلہ بیلیر . بزنجومک موجودیتی اونک ضیاسی بزہ واصل اولدقدن صوکرا آ کلا یہ بیلیرز . حالوکه ضیانک بزہ وصولدن اول حقیقتدہ نجوم موجوددر . برفکر معظمہ دہ آ کلاشیلقم ایچون نہ قدر عصر لر کچمک لازمدر ؟ نیچہ نک دیدیکی کی افکار معظمہ غیرت و جسارتک ، نفوذ نظارک و ازوانک محصولدر . شعیب بوتون بومزیا تہ مالک ایدی . اونک اختیار ایتدیکی حیات منزوی اونی مردورلو لوئدن محافظہ ایتدی . و عزلت و تنہائی ایچندہ آمالی اصلا دوچار ترزل اولیہ رق چالیشدی و بوجیت ایچندہ اودہ برفکر معظم اولدی .

کانون اول ۳۲۶

آصف نفیسی

